



Broj predmeta: **UP-I-22-001856/23**
Broj akta: **12-1419BB-010/24**
Datum, 15.3.2024.. godine
Mjesto, Brčko

Odjeljenje za javnu sigurnost Vlade Brčko distrikta Bosne i Hercegovine, rješavajući po zahtjevu Odjeljenja za javne poslove Vlade Brčko distrikta BiH za izdavanje odobrenja za građenje za izgradnju pristupnih puteva, faza II, u urbanom području „Rašljani“, u Brčko distriktu BiH, na osnovu člana 100. i 103. Zakona o prostornom planiranju i građenju („Službeni glasnik Brčko distrikta BiH“, br. 29/08, 18/17), kao i člana 187. Zakona o upravnom postupku Brčko distrikta Bosne i Hercegovine - prečišćeni tekst („Službeni glasnik Brčko distrikta BiH“, br. 48/11), **donosi :**

R J E Š E N J E
o odobrenju za građenje

I ODOBRAVA SE ODJELJENJU ZA JAVNE POSLOVE VLADE BRČKO DISTRIKTA BIH izgradnja pristupnih puteva, faza II, u urbanom području „Rašljani“ u Brčko distriktu Bosne i Hercegovine, na dijelu zemljišta označenom kao k.č. broj: 1079/2, 1097/2, 1097/6, 1081, 1078/6, 1078/7, 1080/5, 1080/4, k.o. Rašljani, pod uslovima utvrđenim u lokacijskim uslovima broj: UP-I-22-001632/23 od 17.07.2023.godine, glavnom projektu urađenom od strane „GRADITELJ“ d.o.o. Brčko, odgovorni projektant Ermin Džindić, dipl.ing.građ., šifre: 06-GP-05/21 od juni 2021. godine, revizija izvršena od strane „PLANINVEST“ d.o.o., Brčko od august 2021. godine.

II Pored uslova iz prethodne tačke, objekat se mora graditi, odnosno svi radovi se moraju izvesti tako da budu zadovoljeni važeći tehnički propisi, normativi, standardi i ostali propisi koji regulišu građenje te vrste objekata, odnosno izvođenje te vrste radova.

III Investitor je obavezan, da najkasnije osam (8) dana prije otpočinjanja radova građenja, prijavi početak izvođenja radova građenja nadležnoj urbanističko-građevinskoj inspekciji.

IV Sa građenjem se može otpočeti tek kad ovo Rješenje o odobrenju za građenje postane izvršno.

V Investitor je dužan, odmah nakon izgradnje predmetnog objekta, a prije početka korištenja istog, podnijeti zahtjev kod ovog Odjeljenja za tehnički pregled i izdavanje odobrenja za upotrebu istog objekta.

VI Ne može se izvršiti tehnički pregled predmetnog objekta i izvedenih radova, niti se može izdati odobrenje za upotrebu, dok se ne izvrši geodetsko snimanje.

VII Investitor se oslobađa plaćanja administrativnih taksi u skladu sa članom 11. Zakona o administrativnim taksama («Službeni glasnik Brčko distrikta BiH» br. 21/05, 19/07; 2/08; 17/09).

VIII Ovo Rješenje o odobrenju za građenje prestaje da važi ako se sa radovima ne započne u roku jedne godine, računajući od dana konačnosti.

O b r a z l o ž e n j e

Odjeljenje za javne poslove Vlade Brčko distrikta BiH, podnijelo je zahtjev ovom Odjeljenju za izdavanje odobrenja za građenje za izgradnju pristupnih puteva, faza II, u Brčko distriktu BiH, na zemljištu opisanom kao u tački I dispozitiva. Odobrenje za građenje broj: UP-I-22-000407/23 od 20.02.2023.godine, izdato za I fazu izgradnje mosta preko Rašljanske rijeke, dok se faza II odnosi za izgradnju pristupnih puteva, a sto je određeno Izjavom o faznoj gradnji koja je priložena uz zahtjev.

Uz zahtjev je priloženo:

1. Rješenje – lokacijski uslovi, broj: UP-I-22-001632/23 od 17.07.2023. godine, izdato od strane Odjeljenja za prostorno planiranje i imovinsko pravne poslove Vlade Brčko distrikt BiH, konačno 27.07.2023. godine,
2. Rješenje – lokacijski uslovi, broj: UP-I-22-001245/21 od 12.07.2021. godine, izdato od strane Odjeljenja za prostorno planiranje i imovinsko pravne poslove Vlade Brčko distrikt BiH, konačno 09.08.2021. godine,
3. Zemljišnoknjižni izvadak za zk uložak broj 2, k.o. Rašljani , izdat od strane Osnovnog suda Brčko distrikta, Zemljišnoknjižnog ureda, od 12.06.2023. godine,
4. Zemljišnoknjižni izvadak za zk uložak broj 1, k.o. Rašljani , izdat od strane Osnovnog suda Brčko distrikta, Zemljišnoknjižnog ureda, od 12.06.2023. godine,
5. Kopija katastarskog plana od 30.05.2023. godine, izdata od strane Odjeljenja za javni registar Vlade Brčko distrikta BiH,
6. Tehnička dokumentacija odnosno projekat u tri (3) primjerka sa dokazom o izvršenoj tehničkoj kontroli urađenoj od strane nadležne komisije „PLANINVEST“ d.o.o. Brčko, broj 35/21 od august.2021. godine,
7. Rješenje broj: UP-I-24-000033/24 od 28.02.2024.godine izdata od strane Odjeljenja za poljoprivredu šumarstvo i vodoprivredu Vlade Brčko distrikta BiH
8. Izjava o faznoj gradnji urađena od strane „GRADITELJ „ d.o.o. Brčko , odgovorni projektant Ermin Džindić,dipl.ing.građ. od 18.01.2023.godine.

Uvidom u priloženu dokumentaciju tokom postupka, utvrđeno je da su ispunjeni svi propisani uslovi iz člana 101. Zakona o prostornom planiranju i građenju (“Službeni glasnik Brčko Distrikta BiH”, br. 29/08), i da se zahtjevu može udovoljiti, pa je primjenom člana 100 i 103. citiranog zakona, kao i članom 187. Zakona o upravnom postupku Brčko distrikta Bosne i Hercegovine – prečišćeni tekst («Službeni glasnik Brčko distrikta BiH br. 48/11), ovo Odjeljenje donijelo rješenje kao u dispozitivu.

Pouka o pravnom lijeku:

Protiv ovog Rješenja o odobrenju za građenje može se izjaviti žalba Apelacionoj komisiji u roku od 15 dana od dana dostavljanja rješenja. Žalba se izjavljuje putem ovog Odjeljenja, pismeno ili usmeno na zapisnik, ili preporučeno poštom sa taksom od 5,00 KM u skladu sa članom 19. tarifni broj 2. Zakona o administrativnim taksama («Službeni glasnik Brčko distrikt BiH», br. 21/05; 19/07; 2/08; 17/09; 8/13).

DOSTAVITI:

1. Naslovu,
2. Urbanističko-građevinskoj inspekciji,
3. Internet stranici Vlade Brčko distrikta BiH i
oglasna tabla Vlade Brčko distrikta BiH
4. Arhivi.

ŠEF ODJELJENJA
Bogdan Bratić, dipl.ecc